

Goibekokale

ELGETA / Barikua / 2004eko urriaren 15a / 218. zenbakia

KOORDINATZAILEA: Irati Agirreazaldegi • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Hiru irlatxo berri ipiniko dituzte autoen abiadura murrizteko

IRATI AGIRREAZALDEGI

Udalak eskatuta Gipuzkoako Foru Aldundiak hiru irlatxo egin eta semaforoak ipiniko ditu Artekalean, Elgetatik Eibarrerako bidean. Honen helburua autoen abiadura moteltzea da. Lanak noiz egingo dituzten oraindik erabaki gabe dago.

Salbador kalean, plaza inguruan eta tunelaren aldamenean hainbat semaforo ipini zituzten, iazko abuztuan, herri barruko ibilgailuen joan-etorria mantsotzeko asmoz.

Baina ustez ez da nahikoa eta Udalaren eskariz Gipuzkoako Foru Aldundiak hiru irlatxo eta semaforo bat ipiniko ditu Artekalean hasi eta Eibarrerako bide- bitartean.

Lehenengo irlatxoa Artekalean egongo da, eliza ostean. Bertan semaforoa ere ipiniko dute, eta hemendik oinezkoek errepidea kiroldegi aldera gurutzatu ahal izango dute.

Bigarrena Artekaleko azken etxeetatik gutxi gorabehera 40 metrora egingo dute. Horrela, Eibartik datozen autoek abiadura moteldu beharko dute.



Artekaletik Eibarrerantzako bidean hiru irlatxo ipiniko dituzte eta hauetako batean baita semaforoa ere.

Elgetatik Eibarrerako norabidean, San Rokeko parkearen amaieran kokatuko dute abiadura moteltzeko asmoz egingo duten hirugarren irlatxoa.

BIDEA ESTUTU

Irlatxo hauek egitearen helburua bidea pixka bat estutzea da. Honela, autoek derrigorrez jaitsi beharko dute abiadura.

Irlatxoak eraikitzeke lanak noiz hasiko dituzten oraindik ez dute erabaki. Lehenago, ordea, bertako lurren jabeen baimena beharko du Udalak.

LABUR

Herri batzarrerako deia egin du Elgeta Auzolaneanek

Elgeta Auzolanean plataformak herritarrei herri batzarrerako deia egin die. Bilerak gaur, urriak 15, izango da liburategian 20:00etan. Besteak beste udaletzeko gorabeheretaz eta egoera politikoaz jardungo dute plataformako ordezkariak eta bilerara gerturatzaren diren elgetarrek. Gai hauen gainean zerbait esateko dutenak gonbidatu nahi dituzte batzarrera.

Erretiratuek irteera egingo dute Gaztainuzketara

Datorren egunean, hilaren 21ean, erretiratuek irteera egingo dute Gaztainuzketatik Landara joateko. Hala ere, ez dago ibilbide guztia egin beharrik eta norbere neurriara egokitu ahal izango da ibilaldia. Izena ematen dutenak 14:30ean Ozkarbi paretik autoetan irtengo dira eta itzulerara 18:00ak inguruan izango da. Joan nahi dutenek Miren Villarri jakinarazi beharko diete urriaren 17a baino lehen.

URAK

Herri barruko ur hoditeria aldatu egingo dute aurki

I.A.

Atzo, eguna, uraren hornidura eten zuten goizean ur hoditerian aldaketa bat egiteko.

Elgeta hazten ari da pixkanaka: batetik, Torrealdeko etxeak eraikitzen dihardute eta bestetik, industrialdea gero eta handiagoa da. Horren ondorioz, ur gehiago behar da herriko beharrak asetzeko, eta behar horiei aurre egiteko oraingo hodiak ez

dira nahikoa. Beraz, hodi handiago bat ipini behar dute aurki ur depositutik Salbador kalera bitartean.

ERABILTZAILEEN ONERAKO


Eguenean, ordea, ez zuten hodi berri hau ipini, gerora hodia jartzeko behin-behineko konponketa bat egin baizik.

Honela, hodi handia ipintzeko lanak hasten dituztenean herritarrek ez dute etxean iga-

rriko, ur horniduran mozketak gehiago izan ez daitezzen egin baitzuten atzoko behin-behineko aldaketa.

Hodiari berari begiratuta apenas igarriko da lehengotik ezberdintasunik, baina erabiltzaileen onerako izango da gerora.

Izan ere, hodia handiagoa izanik ur gehiago helduko da depositutik herrira, eta banatzeko toki gehiago izan arren, denendako adina iritsiko da.



Hodi berriak 200 milimetroko diametroa du, eta 350 metroko luzera.

ELKARRIZKETA

JUAN VALLEJO/ALPINISTA

“Ez nuke jakingo mendira joan gabe bizitzen”

I.A.
Juan Vallejo mendizale gas-teiztarrak mendiaren gai-neko ikus-entzunezkoa eskainiko du datorren eguenean Espaloian. Telebista-rako lanak egin ditu, mendiko dokumentalak gertatuz, eta, besteak beste, horretaz jardun du.

Zer erakutsiko duzu Elgetako diapositiba emanaldian?

Annapurnara 1998an eginda-ko espedizioari buruzko ikus-entzunezkoa izango da. Juanito Oartzabalekin joan nintzen, eta beretzat oso berezia zen, 14 zortzimilakoetan azkena baitzuen. Horrekin batera, eskaladako beste irudi batzuk ere emango ditut. Nondik datorkizu zaletasuna?

Aita mendizalea izan da beti eta txikitatik mendira eta eska-latzera eraman izan nau, nigan ere zaletasuna sortuz. Gerora bizi-tzeko modu bihurtu da niretzat. Goi mailako alpinista zaren aldetik, zein da igotako men-dien arten gustukoena?

Mendi guztiak dute bere zera, eta garaienak ez dira beti polite-nak. Esaterako, iaz Trango dorre-etan izan nintzen eta ederrak iru-

ditu zitzaizkidan. Edertasuna edo-zein menditan aurki daiteke.

“Berriz ez naiz itzuliko” esan duzu inoiz?

Ez, nahiz eta mendian egoera gogorrek bizi, ez dut sekula horre-lakorik esan. Azken finean gu gara egoera eta arrisku horien bila goazenak, mendia ez da gerta-zen zaigunaren erruduna. Ego-erarik gogorrena 1996an pasa genuen, Sisha Pagman. Elur-jau-zi bat gertatu eta espedizio-kide bat azpian harrapatuta hil zen.

Mendiak zer eman dizu?

Gauza asko eman dizkit. Azken 15 urteotan gelditu gabe ari naiz mendira joaten, eta uste dut ez nukeela jakingo nire bizia mendira joan gabe bizitzen. Espe-dizio batean ez bada eskalatzen ibiltzen naiz inguruan.

Al filo de lo imposible telebis-ta saioan hartu duzu parte.

Kasualitatez hasi nintzen pro-graman. Proiektu bat aurkeztu genuen, proba ongi atera zen eta gerora beste hainbat lan egin ditut. Neketsua eta zaila da tele-bistako lana egitera joatea. Izan ere, dokumental bat egitera joa-ten gara, eta garrantzitsuagoa da irudi onak grabatzea tontorrera iristea baino.


Askok Juanito Oartzabalen kide moduan ezagutzen zaitu.

Azken urte hauetan berarekin askotan joan izan naiz, eta bere izaerak itzala egiten digu ingu-rukooi, askotan medioen eragi-nez. Aurten K2 mendira ere bere-ekin joan naiz, eta oinetan izan-dako izozteengatik bera eta Pasaban izan dira protagonistak. Medioek jendea mito bihurtzen dute eta Juanito da horietako bat. Zortzimilako 14 mendiak egi-tea ez omen da zure helburua.

Igo ditut zortzimila metroko mendiak, hasieran banuelako mendi garaietara joateko gogoa, baina ideia hori baztertu egin dut, batez ere mendi hauen ingu-ruan sortzen den giroagatik. Gero eta jende gehiago joaten da, espe-dizio komertzialak... Era horre-tako alpinismoak ez nau erakar-tzen. Nahiago dut bide alternati-boetatik mendira joan, eta zortzimilako guztiak egitekotan bide errazagoetatik joan beharko nuke.

Zein da hurrengo erronka?

Hilabete barru Patagoniara noa lagun batzuekin eskalatzera, eta beharbada datorren urtean espedizioen bat egingo dut, bai-na nora ez dut erabaki.



ARTXIBOA



Elgetarrak ere Danbakan

Danbaka musika lehiaketan izena emateko epea amaitu-ta 43 partaidek aurkeztu dituz-te lanak, tartean baita elge-tarrek ere: Matxura eta Ostia-da Oi! taldeek eta Izaskun Oianguren bakarlariak. Horietatik 20 aukeratu eta euren musika urriaren 22tik aurrera Espaloian egingo diren kontzertuetan entzun ahal izango da. Aukeratu-ta-koen zerrenda ASTELEHENEKO GOIENKARIAN argitaratuko dute urriaren 17an. /I.A.

KIROLA

Pilota txapelketan 12 bikote izango dira

I.A.
Federatu gabeko veteranoen pilo-ta txapelketa antolatu dute aur-ten bigarren aldiz, eta hamabi bikotek eman dute izena.

Oraindik data zehazteke bada-go ere urrian hasiko dira parti-duak eta Gabonetan, umeen pilo-ta txapelketarekin batera joka-tuko dituzte finalak. Partiduen egutegia erabakitzeke parte-har-

tzaileekin bilera egingo dute anto-latzaileek datorren astean, eta euri aurrez jakinaraziko diete non eta noiz izango den.

IAZKOAK ETA BERRIAK

Izena eman dute iazko txapeldu-nek, Arantzabal eta Telleriak, baita jokalarri berriek ere. Iazko-ek badute aurrera egiteko auke-rarik, baina berriak ere fabri-toen artean daude.

SAIOA ARANZABAL MASAJEAK

ELGETAN, DOMINGO ITURBE 10ean

- Kiromasajea
- Reflexologia
- Hidromasajea
- Kirol masajea
- Podologia



- Solariuma
- Drenaje linfatikoa
- Algekin eginiko estalkia
- Depilazioa laser bidez

Dei ezazu 646 50 00 29 telefonora ordua eskatzeko



RECYDE, S.A.

Pagotza pol. ind. 20690 ELGETA, Gipuzkoa
Tel.: zentrala: 943 78 80 00. Faxa: 943 78 90 10
Posta elektronikoa: recyde@recyde.es



ER-0182/2/95

ISO 9002
QS 9000
ISO/TS 16949

JAR EZAZU HEMEN ZURE PUBLIZITATEA

Goibekokale



PROFESIONAL
liberalen
GIDA

GESTORIAK

EGUREN

Iraila 3. 943 76 21 65

PROKURADOREAK

JOSE M. BARRIOLA ETXEBERRIA

Easo 57, 3-esk. (DONOSTIA).

943 45 27 26 / 656 41 55 49

AHOLKULARITZA

AIERDI AHOLKULARITZA

Artekalea 1. 943 76 03 50

TBG AHOLKULARITZA

Matxiategi 36. 943 76 90 83

ABOKATUAK

RAFAEL ARANBURU

Irizar 5. 943 76 10 81

MILAGROS LARRAÑAGA

Simon Arrieta 1. 943 76 16 28

BERNARDINO MAIZTEGI

Irizar 5. 943 76 10 81

JUAN ANTONIO SIERRA

Irizar 2. 943 76 03 35

ARKITEKTU TEKNIKOAK

JESUS LASKURAIN PEREZ

Zurradero 4. 943 76 53 53

ARKITEKTUAK

JON MUNIATEGIANDIKOETXEA

Barrenkalea 22. 687 73 75 67